

ხელშეკრულება

ქ. თბილისი

-----, 2026წ.

ერთი მხრივ, შ.პ.ს. „ავერსი-ფარმა“ წარმოდგენილი მისი გენერალური დირექტორის გიორგი მელანაშვილის სახით (შემდგომში წოდებული „დამკვეთი“) და მეორე მხრივ, ----- წარმოდგენილი მისი დირექტორის ----- სახით (შემდგომში წოდებული „შემსრულებელი“), ვდებთ წინამდებარე ხელშეკრულებას (შემდგომში ხელშეკრულება) შემდეგზე:

1. ხელშეკრულების საგანი

1.1. წინამდებარე ხელშეკრულების თანახმად, შემსრულებელი იღებს ვალდებულებას საქართველოში მოქმედი შესაბამის სფეროში არსებული წესებისა და ნორმების საფუძველზე, უზრუნველყოს დამკვეთის შეკვეთების შესაბამისად, შეთანხმებული პირობებითა და ვადებში ქ. თბილისი, დავით კობახიძის ქ. #33-ში (შემდგომში „ობიექტი“) მდებარე შენობებს შორის დამაკავშირებელი გზის (ს/კ 01.19.28.001.392 და 01.19.28.001.317) მოწყობის და მასთან დაკავშირებული სადემონტაჟო/სამონტაჟო სამუშაოების შესრულება, საკუთარი მასალით (შემდგომში „სამუშაოები“).

1.2. წინამდებარე გენერალური ხელშეკრულების დანართი #1-ში მოცემულია სამუშაოების ჩამონათვალი და ღირებულება, რომლის საფუძველზეც გამოითვლება დამკვეთის შეკვეთის ღირებულება.

2. სამუშაოს ღირებულება

2.1. შესასრულებელი სამუშაოების სრული სახარჯთაღრიცხვო ღირებულება შეადგენს ----- (-----) ლარებში, დღგ-ს ჩათვლით.

3. ანგარიშსწორების წესი

3.1. დამკვეთის მიერ წინამდებარე ხელშეკრულების საფუძველზე შესრულებულ სამუშაოთა ღირებულების ანაზღაურება მოხდება, შემსრულებლის მიერ ფაქტობრივად შესრულებულ სამუშაოთა თაობაზე მხარეთა შორის შესაბამისი მიღება-ჩაბარების აქტის გაფორმების, სამუშაოთა შესრულების აქტისა და შემსრულებლის მიერ საგადასახადო ანგარიშ-ფაქტურის წარმოდგენიდან 15 (თხუთმეტი) სამუშაო დღის ვადაში, უნაღდო ანგარიშსწორების წესით.

4. სამუშაოების შესრულების ვადა

4.1. მხარეები შეთანხმდნენ სამუშაოს განხორციელების შემდეგ ვადებზე:

4.1.1. შემსრულებელი ვალდებულია დაიწყოს ხელშეკრულებით გათვალისწინებული სამუშაო ხელშეკრულების ხელმოწერიდან არაუგვიანეს 2 (ორი) სამუშაო დღისა.

4.1.2. შემსრულებელი ვალდებულია დაასრულოს წინამდებარე ხელშეკრულებით გათვალისწინებული სამუშაო არაუგვიანეს -----.

4.2. შემსრულებელი უფლებამოსილია ვადაზე ადრე დაასრულოს და ჩააბაროს დამკვეთს ხელშეკრულებით გათვალისწინებული სამუშაო.

5. მხარეთა უფლება-მოვალეობები:

5.1 შემსრულებელი ვალდებულია:

დანართი #2

5.1.1. შეასრულოს წინამდებარე ხელშეკრულებით გათვალისწინებული სამუშაოები და ჩააბაროს აღნიშნული სამუშაოები დამკვეთს მხარეთა შორის შეთანხმებულ ვადაში.

5.1.2. უზრუნველყოს:

5.1.2.1. სამუშაოების შესრულება დამკვეთის მოთხოვნებისა და შესაბამისი წესების, ნორმების, საქართველოს მოქმედი კანონმდებლობის საფუძველზე (მათ შორის შესაბამისი ადმინისტრაციული ორგანოს/უფლებამოსილი პირის თანხმობის/მითითებების/ნებართვის შესაბამისად), მოცემულ სფეროში არსებული მეთოდის და ინსტრუქციების მიხედვით, ამასთან, საქართველოს კანონმდებლობით გათვალისწინებულ შემთხვევებში, შესაბამისი ადმინისტრაციული ორგანოსაგან მხოლოდ თანხმობის/ნებართვის მიღების შემდგომ და მის საფუძველზე, წინააღმდეგ შემთხვევაში დამკვეთის წერილობითი მოთხოვნის წარდგენიდან 1 (ერთი) კვირის ვადაში, შემსრულებელი ვალდებულია სრულად აუნაზღაუროს დამკვეთს მიყენებული ზიანი/ზარალი და გადაიხადოს დაკისრებული ჯარიმ(ებ)ი (ასეთის არსებობის შემთხვევაში). შემსრულებელი ასევე ვალდებულია სრულად დაიცვას საქართველოს კანონი შრომის უსაფრთხოების შესახებ და 2017 წლის 27 ოქტომბრის მთავრობის N477 დადგენილება სიმაღლეზე მუშაობის უსაფრთხოების მოთხოვნის შესახებ ტექნიკური რეგლამენტის დამტკიცების თაობაზე.

5.1.2.2. სამუშაოების შესრულების ხარისხი დამკვეთის მოთხოვნების და მოქმედი წესებისა და ნორმების შესაბამისად;

5.1.2.3. აღმოფხვრას ყველა დაზიანება, ნაკლოვანება და დეფექტი, რომელიც გამოვლინდება სამუშაოების ყოველი მიღების დროს არაუმეტეს 2 (ორი) დღის ვადაში, ხოლო საგარანტიო პერიოდის განმავლობაში არაუმეტეს 05 (ხუთი) დღის ვადაში. საგარანტიო პერიოდი შესრულებული სამუშაო(ებ)ის საგარანტიო პერიოდი შეადგენს — (————) წელს, რომლის ათვლაც იწყება სამუშაოების დასრულებაზე მიღება-ჩაბარების აქტის ხელმოწერის დღიდან.

5.1.3. სამუშაოების მსვლელობის განმავლობაში უზრუნველყოს შრომის დაცვისა და ტექნიკური უსაფრთხოების, ასევე ხანძარსაწინააღმდეგო ნორმებისა და გარემოს დაცვა.

5.1.4. განახორციელოს მხარეთა შორის გაფორმებული შეთანხმებით გათვალისწინებული სამუშაოები შეთანხმებული ღირებულებით (ასევე ხარჯთაღრიცხვის არსებობის შემთხვევაში, ხარჯთაღრიცხვის შესაბამისად) და შეთანხმებულ ვადაში.

5.1.5. საქართველოს კანონმდებლობით დადგენილი წესის შესაბამისად სამუშაოების დამკვეთისთვის ჩაბარებამდე უზრუნველყოს სამუშაოთა წარმოების ადგილისა (ობიექტი) და მისი მიმდებარე ტერიტორიის გათავისუფლება სამუშაოთა წარმოების შედეგად არსებული ნარჩენების, მოწყობილობების, ინვენტარის, ინსტრუმენტების, მასალის, დროებითი ნაგებობებისა და სხვა დანადგარებისაგან, რომლის ღირებულებაც შედის ხელშეკრულების საერთო ღირებულებაში.

5.1.6. წარმოადგინოს სამუშაოთა შესრულებისას გამოყენებული მასალის ხარისხის/შესაბამისობის/წარმოშობის სერტიფიკატები დამკვეთის მოთხოვნიდან 7 (შვიდი) სამუშაო დღის ვადაში.

5.1.7. დამკვეთის მოთხოვნის შემთხვევაში წარმოადგინოს ყოველი შეკვეთის შესრულებისას მასალების შესყიდვის და/ან ობიექტზე/ობიექტიდან ტრანსპორტირების დამადასტურებელი დოკუმენტაცია, მხარეთა შორის გაფორმებული შეთანხმებ(ებ)ით შესრულებული სამუშაოს მოცულობის დასადასტურებლად.

5.1.8. ყოველი ფარული სამუშაო(ებ)ის ჩაბარებამდე არაუგვიანეს 1 (ერთი) დღით ადრე შეატყობინოს დამკვეთს ფარული სამუშაოების დასრულების შესახებ. შემდგომი სამუშაოები უნდა განხორციელდეს მხოლოდ ფარული სამუშაოების ჩაბარების და მათი დამადასტურებელი აქტების შედგენის შემდეგ. თუ შემსრულებელი არ შეატყობინებს დამკვეთს აღნიშნულის შესახებ და დაასრულებს სამუშაოებს დამკვეთის დასტურის გარეშე, შემსრულებელი ვალდებულია ნებისმიერ დროს მოშალოს ფარული სამუშაო დამკვეთის მოთხოვნის შესაბამისად და საკუთარი ხარჯით ხელახლა დაასრულოს იგი.

5.1.9. განახორციელოს წინამდებარე ხელშეკრულების დანართ(ებ)ში მითითებული მასალის (სამუშაოთა წარმოებისათვის საჭირო/გამოსაყენებელი მასალის) შესყიდვა დამკვეთთან წინასწარი შეთანხმებით.

5.2. შემსრულებელი უფლებამოსილია:

5.2.1 მოითხოვოს შესრულებული სამუშაო(ებ)ის ღირებულების ანაზღაურება წინამდებარე ხელშეკრულებით გათვალისწინებული პირობების თანახმად.

დანართი #2

5.2.2. შემსრულებელი უფლებამოსილია ვადაზე ადრე დაასრულოს და ჩააბაროს დამკვეთს ყოველი შეთანხმებით გათვალისწინებული სამუშაო.

5.3 დამკვეთი ვალდებულია:

5.3.1. მიიღოს სამუშაოები და განახორციელოს ანგარიშსწორება წინამდებარე ხელშეკრულების შესაბამისად.

5.3.2. შემსრულებლის მიერ ყოველი შეკვეთის შესაბამისად შესრულებული სამუშაოების მოწონების შემთხვევაში ხელი მოაწეროს შემსრულებლის მიერ ხელმოწერილ სამუშაოების მიღება-ჩაბარების აქტს შემსრულებლის მიერ მისი წარმოდგენიდან 5 (ხუთი) სამუშაო დღის განმავლობაში, ან წარუდგინოს შემსრულებელს უარი მიღება-ჩაბარების აქტზე ხელის მოწერასთან დაკავშირებით.

5.4 დამკვეთი უფლებამოსილია:

5.4.1. უარი თქვას ხელშეკრულების შესრულებაზე და არ გადაუხადოს შემსრულებელს ხელშეკრულებით გათვალისწინებული თანხა, ამასთან, მოითხოვოს ზიანის ანაზღაურება, თუ შემსრულებელი არ იწყებს სამუშაოების განხორციელებას შეთანხმებით გათვალისწინებულ ვადაში ან თუ სამუშაოების შესრულების ტემპიდან გამომდინარე ნათელი ხდება, რომ მათი დროულად შესრულება აშკარად შეუძლებელია.

5.4.2. სამუშაოს მიღება-ჩაბარების აქტის ხელმოწერამდე ნებისმიერ დროს უარი თქვას ხელშეკრულების შესრულებაზე და გადაუხადოს შემსრულებელს დადგენილი ფასის ნაწილი იმ შესრულებული სამუშაოს პროპორციულად, რომელიც შესრულდა ხელშეკრულების შესრულებაზე დამკვეთის მიერ უარის თქმის შესახებ შეტყობინების შემსრულებლისათვის გადაცემამდე.

5.5. მხარეები ვალდებული არიან ხელშეკრულების ურთიერთობიდან გამომდინარე უზრუნველყონ ინფორმაციის კონფიდენციალობის დაცვა, რაც გულისხმობს მათთვის ვალდებულებათა შესრულების შედეგად ცნობილი ინფორმაციის (ტექნოლოგიური ხასიათის საკითხები, საქმიანობის დეტალები, კომპანიის კონტრაგენტების ვინაობა, სქემები, და სხვა) გამჟღავნების დაუშვებლობას მესამე პირებისათვის, გარდა საქართველოს კანონმდებლობით გათვალისწინებული შემთხვევებისა ან/და იმ შემთხვევისა, როდესაც მხარეები წინასწარ წერილობით შეთანხმდებიან ინფორმაციის გაცემის/გამჟღავნების თაობაზე.

6. მიღება-ჩაბარების წესი

6.1. წინამდებარე ხელშეკრულების შესაბამისად მხარეთა შორის გაფორმებული ყოველი შეთანხმებით განხორციელებული სამუშაოების მიღება-ჩაბარება ხორციელდება შესრულებული სამუშაოების მიღება-ჩაბარების აქტის საფუძველზე. მიღება-ჩაბარების აქტში აღწერილი უნდა იყოს შესრულებული სამუშაოები და მათი ღირებულება.

6.2. დამკვეთი განიხილავს და დაუბრუნებს შემსრულებელს ხელმოწერილ მიღება-ჩაბარების აქტს ყოველი შეთანხმების შესაბამისად შესრულებული სამუშაოს თაობაზე, ან წარუდგენს შემსრულებელს უარს სამუშაოების ჩაბარებასთან დაკავშირებით.

6.3. დამკვეთის მიერ სამუშაოთა მიღებაზე უარის შემთხვევაში, შემსრულებელი ვალდებულია აღმოფხვრას აღმოჩენილი ნაკლოვანება/ხარვეზი ხელშეკრულებით გათვალისწინებულ ვადაში და პირობების შესაბამისად. ნაკლოვანებების/ხარვეზის აღმოფხვრის შემდეგ სამუშაოების მიღება-ჩაბარება ხორციელდება წინამდებარე ხელშეკრულებით/შეთანხმებით გათვალისწინებული წესითა და პირობებით.

6.4. დასრულებული სამუშაოების მიღება-ჩაბარება ხორციელდება წინამდებარე ხელშეკრულებით და შესაბამისი შეთანხმებით გათვალისწინებული ყველა პირობის შესრულების შემდეგ.

7. პასუხისმგებლობა, დავები

7.1. წინამდებარე ხელშეკრულების შეუსრულებლობისათვის/არაჯეროვანი შესრულებისათვის მხარეები პასუხს აგებენ წინამდებარე ხელშეკრულებითა და საქართველოს მოქმედი კანონმდებლობის შესაბამისად.

7.2. მხარეები გამოიყენებენ ყველა შესაძლებლობას, რათა წარმოქმნილი უთანხმოება და დავები აღმოფხვრან მოლაპარაკების გზით.

7.3. დავის მოლაპარაკების გზით გადაუჭრელობის შემთხვევაში მხარეები უფლებამოსილი არიან მიმართონ საქართველოს შესაბამის სასამართლოს, საქართველოს მოქმედი კანონმდებლობის შესაბამისად.

7.4. შემსრულებელი პასუხისმგებელია მის მიერ შესრულებულ სამუშაოებზე. შემსრულებელი ასევე პასუხისმგებელია სამუშაოების მსვლელობის მთელი დროის განმავლობაში ობიექტის, საინჟინრო კომუნიკაციებისა და კონსტრუქციების უსაფრთხოებაზე. უსაფრთხოების წესების დარღვევის შემთხვევაში დამკვეთისათვის ან მესამე პირისათვის მიყენებული ზიანის ანაზღაურების ვალდებულება ეკისრება შემსრულებელს.

7.5. შემსრულებლის მიერ შესრულებული სამუშაოს შედეგად დამკვეთის საკუთრებისათვის/ობიექტისათვის ზიანის/ზარალის მიყენების შემთხვევაში, დამკვეთი უფლებამოსილია მოითხოვოს, ხოლო შემსრულებელი ვალდებულია აუნაზღაუროს დამკვეთს მიყენებული ზიანი/ზარალი სრულად.

7.6. დამკვეთი არ არის პასუხისმგებელი იმ ვალდებულებებისათვის, რომელიც სამუშაოთა წარმოების დროს შემსრულებელს წარმოეშობა მესამე პირების წინაშე.

7.7. შემსრულებელი ვალდებულია აანაზღაუროს ის ზიანი, რაც დამკვეთს მიადგება შემსრულებლის მიერ საქართველოს კანონმდებლობით მოქმედი წესებისა და ნორმების, ამასთან, შესაბამის ადმინისტრაციულ ორგანოსგან მიღებული თანხმობის/ნებართვის პირობების დარღვევით შესრულებული სამუშაოს შედეგად.

7.8. შემსრულებელი პასუხისმგებელია მის მიერ სამუშაოთა შესრულებისას გამოყენებული მასალების ხარისხზე. შემსრულებლის მიერ სამუშაოთა წარმოებისას ან/და სამუშაოთა დასრულების შემდგომ თუკი აღმოჩნდება, რომ გამოყენებული მასალა არ შეესაბამება წინამდებარე ხელშეკრულების დანართ(ებ)ში, ან/და შემსრულებლის მიერ წარმოდგენილ მასალის შესაბამის სერთიფიკატებში მითითებულ ხარისხს, დამკვეთი უფლებამოსილია მოითხოვოს, ასეთ შემთხვევაში შემსრულებელი ვალდებულია გადაიხადოს პირგასამტეხლო ხელშეკრულების საერთო ღირებულების 10%-ის ოდენობით, ამასთან აანაზღაუროს დამკვეთისათვის ან/და მესამე პირისათვის მიყენებული ზიანი/ზარალი.

7.9. იმ შემთხვევაში, თუ შემსრულებლის მიერ შესრულებული სამუშაოდან გამომდინარე დამკვეთს რომელიმე ადმინისტრაციული ორგანოს/შესაბამისი უფლებამოსილი პირის მიერ დაეკისრება, რაიმე სახის ადმინისტრაციული სახდელი (ან სხვა სახის პასუხისმგებლობა), ან/და დამკვეთს ან მესამე პირ(ებ)ს მიადგება ნებისმიერი სახის ზიანი, დამკვეთი უფლებამოსილია მოითხოვოს, ხოლო შემსრულებელი ვალდებულია აუნაზღაუროს დამკვეთს ადმინისტრაციული სახდელის (სხვა სახის ჯარიმის) სახით გადახდილი თანხა ან/და ადმინისტრაციული ორგანოს/შესაბამისი უფლებამოსილი პირის დავალებით შესრულებული სამუშაოს ღირებულება ან/და დამკვეთისათვის ან მესამე პირისათვის მიყენებული ზიანის ანაზღაურების სახით გადახდილი თანხა ან/და განხორციელებული ქმედების შესაბამისი ღირებულება.

7.10. შესრულების ნებისმიერი ვადების დარღვევის შემთხვევაში, დამკვეთს უფლება აქვს მოითხოვოს, ხოლო ასეთ შემთხვევაში შემსრულებელი ვალდებულია გადაუხადოს დამკვეთს პირგასამტეხლო – ხელშეკრულების საერთო ღირებულების 0.5%-ის ოდენობით ყოველი ვადაგადაცილებული დღისთვის, ხოლო იმ შემთხვევაში, თუ შემსრულებელი შესრულების ვადებს გადააცილებს 10 (ათი) დღით დამკვეთი უფლებამოსილია შეწყვიტოს წინამდებარე ხელშეკრულება ვადამდე, არ გადაიხადოს სამუშაოთა ღირებულება, ამასთან, მოითხოვოს, ხოლო ასეთ შემთხვევაში შემსრულებელი ვალდებულია გადაუხადოს დამკვეთს პირგასამტეხლოსთან ერთად ჯარიმა – ხელშეკრულების საერთო ღირებულების 40%-ის ოდენობით და დააბრუნოს ავანსად გადახდილი თანხა (ასეთის არსებობის შემთხვევაში) სრულად.

7.11. წინამდებარე ხელშეკრულებით გათვალისწინებული სამუშაოების უხარისხოდ/არაჯეროვნად ან/და დანართ(ებ)თან შეუსაბამოდ შესრულების შემთხვევაში, შემსრულებელი ვალდებულია აღნიშნული ნაკლოვანების/დეფექტების/შეუსაბამობის აღმოჩენიდან 3 (სამი) დღის განმავლობაში გამოასწოროს აღმოჩენილი ნაკლოვანება/დეფექტი/შეუსაბამობა, ხოლო აღნიშნულის შეუსრულებლობის შემთხვევაში, დამკვეთი უფლებამოსილია არ გადაუხადოს შემსრულებელს ხელშეკრულებით გათვალისწინებული თანხა და ამასთან, მოითხოვოს, ხოლო ასეთ შემთხვევაში შემსრულებელი ვალდებულია გადაუხადოს

დანართი #2

დამკვეთს ჯარიმა – ხელშეკრულების საერთო ღირებულების 40%-ის ოდენობით და დააბრუნოს ავანსად გადახდილი თანხა (ასეთის არსებობის შემთხვევაში) სრულად.

7.12. შემსრულებლის მიერ წინამდებარე ხელშეკრულების 5.1.2.3. პუნქტით გათვალისწინებული საგარანტიო პირობების შეუსრულებლობის შემთხვევაში, დამკვეთი უფლებამოსილია მოითხოვოს, ხოლო ასეთ შემთხვევაში, შემსრულებელი ვალდებულია გადაიხადოს პირგასამტეხლო გამოვლენილი ნაკლოვანების/ხარვეზის/დეფექტის ღირებულების ოდენობის შესაბამისად.

7.13. იმ შემთხვევაში, თუ შემსრულებელი დაარღვევს წინამდებარე ხელშეკრულებით გათვალისწინებულ ნებისმიერ ვალდებულებ(ებ)ას, დამკვეთის მოთხოვნის საფუძველზე, შემსრულებელი ვალდებულია სრულად აუნაზღაუროს დამკვეთს მიყენებული ზიანი/ზარალი და გადაიხადოს პირგადამტეხლო, შეუსრულებელი ვალდებულების ღირებულების 0.5 %-ის ოდენობით ყოველ ვადაგადაცილებულ დღეზე, დამკვეთის მოთხოვნიდან 1 (ერთი) კვირის ვადაში.

7.14. იმ შემთხვევაში, თუ შემსრულებლის მიერ სამუშაოების მიმდინარეობისას არ იქნება დაცული წინამდებარე ხელშეკრულების 5.1.2.1. ქვეპუნქტით გათვალისწინებული პირობები და აღნიშნულის გამო ადმინისტრაციული ორგანოს/შესაბამისი უფლებამოსილი პირის მიერ დამკვეთს დაეკისრება რაიმე სახის ადმინისტრაციული სახდელი (ჯარიმა ან სხვა სახის პასუხისმგებლობა) შემსრულებელი ვალდებულია სრულად აუნაზღაუროს დამკვეთს ადმინისტრაციული სახდელის სახით გადახდილი თანხა ან/და ადმინისტრაციული ორგანოს/შესაბამისი უფლებამოსილი პირის მიერ დავალებით შესრულებული სამუშაოს ღირებულება და მესამე პირებისათვის მიყენებული ზიანის ანაზღაურების სახით გადახდილი თანხა ან/და განხორციელებული ქმედებისათვის გაწეული ხარჯი.

7.15. იმ შემთხვევაში, თუ შემსრულებელი დამკვეთის წერილობითი თანხმობის გარეშე რაიმე ფორმით შესთავაზებს დამკვეთის თანამშრომელს საჩუქარს/წახალისებას, რათა თანამშრომელმა მოახდინოს წინამდებარე ხელშეკრულებით გათვალისწინებული სამუშაოს/მომსახურების სტიმულირება, წინააღმდეგ ან ამ მომსახურების შესყიდვა, დამკვეთი უფლებას იტოვებს მოითხოვოს და ამ შემთხვევაში შემსრულებელი ვალდებულია გადაიხადოს ჯარიმა ხელშეკრულების სრული ღირებულების 50%-ის ოდენობით, მაგრამ არანაკლებ 10 000 ლარი.

7.16. წინამდებარე ხელშეკრულებაზე ხელმოწერით შემსრულებელი ადასტურებს, რომ ის არ წარმოადგენს საქართველოს საგადასახადო კოდექსის შესაბამისად, შეღავათიანი დაბეგვრის მქონე ქვეყანაში, ოფშორში რეგისტრირებულ პირს, საშემოსავლო გადასახადისაგან/მოგების გადასახადისაგან განთავისუფლებულ პირს (გარდა საბიუჯეტო ორგანიზაციისა), მიკრო ბიზნესის სტატუსის მატარებელ პირს, ფიქსირებული გადასახადის გადამხდელის სტატუსის მქონე პირს, თავისუფალ ინდუსტრიულ ზონაში რეგისტრირებულ პირს ან/და სპეციალური სავაჭრო კომპანიის სტატუსის მქონე პირს. შემსრულებელი ადასტურებს, რომ აღნიშნული ინფორმაცია უტყუარია. იმ შემთხვევაში, თუ ხელშეკრულების მოქმედების ვადაში აღმოჩნდება, რომ შემსრულებელი ზემოაღნიშნული რომელიმე სტატუსის მქონე პირია ან გახდება, რის გამოც დამკვეთს/მყიდველს მიადგება მატერიალური ზიანი/ზარალი (მათ შორის საგადასახადო ჯარიმის/სანქციის დაკისრება, გადახდილი თანხის ხარჯებიდან ამოღება და ა.შ.), შემსრულებელი იღებს ვალდებულებას აანაზღაუროს აღნიშნული ზიანი/ზარალი სრული მოცულობით დამკვეთის წერილობითი მოთხოვნიდან 5 (ხუთი) დღის ვადაში.

7.17. შემსრულებლის მიერ წინამდებარე ხელშეკრულებით ნაკისრი ვალდებულებ(ებ)ის შეუსრულებლობის შემთხვევაში, დამკვეთი უფლებამოსილია საკუთარი შეხედულებისამებრ დააკისროს შემსრულებელს წინამდებარე ხელშეკრულებით გათვალისწინებული პირგასამტეხლო/ჯარიმა (მათ შორის, ზიანის/ზარალის ანაზღაურების მოთხოვნა) ცალ-ცალკე ან რამდენიმე მათგანი ერთად. დამკვეთის მიერ პირგასამტეხლოს/ჯარიმის კონკრეტულ შემთხვევაში გამოუყენლობა არ გამოირიცხავს მის უფლებას, ყოველ შემდგომ შემთხვევაში (შემდგომში) ისარგებლოს აღნიშნული უფლებით.

7.18. წინამდებარე ხელშეკრულების მოცემული მუხლებით გათვალისწინებული პირგასამტეხლოს გადახდა არ ათავისუფლებს მხარეებს ძირითადი ვალდებულების შესრულების მოვალეობისგან.

8. ფორს მაჟორი

დანართი #2

8.1. მხარეები თავისუფლდებიან პასუხისმგებლობისგან ხელშეკრულებით ნაკისრი ვალდებულებების ნაწილობრივ ან სრულ შეუსრულებლობისათვის, თუ ეს გამოწვეულია დაუძლეველი ძალის გარემოებათა ზემოქმედების შედეგებით. ასეთი გარემოების დასტურს წარმოადგენს საქართველოს სავაჭრო-სამრეწველო პალატის მიერ გაცემული შესაბამისი დოკუმენტი.

8.2. მხარე, რომლისთვისაც წინამდებარე ხელშეკრულების შესრულება შეუძლებელი გახდა დაუძლეველი ძალის გარემოებათა წარმოქმნის შედეგად, ვალდებულია წერილობით აცნობოს მეორე მხარეს 3 (სამი) დღის განმავლობაში მათი წარმოქმნის დღიდან, წინააღმდეგ შემთხვევაში, მხარეს უფლება აღარ ექნება მიუთითოს ამგვარ გარემოებებზე, როგორც ხელშეკრულებით ნაკისრი ვალდებულებებისაგან განმათავისუფლებელ გარემოებაზე.

8.3. დაუძლეველი ძალის გარემოებათა დადგომისას მხარეთა მიერ ხელშეკრულებით ნაკისრი ვალდებულებების შესრულების ვადა გადაიწევა იმ დროით, რომლის განმავლობაშიც მოქმედებდა ეს გარემოებები.

9. ხელშეკრულების მოქმედების ვადა და შეწყვეტის პირობები

9.1. წინამდებარე ხელშეკრულება ძალაში შედის ხელმოწერისთანავე და მოქმედებს _____ —. იმ შემთხვევაში, თუ ხელშეკრულების ვადის გასვლამდე არანაკლებ 1 (ერთი) თვით ადრე რომელიმე მხარე წერილობით არ განაცხადებს ხელშეკრულების შეწყვეტის თაობაზე, ხელშეკრულება ჩაითვლება ყოველ ჯერზე ავტომატურად გაგრძელებულად ყოველი მომდევნო 1 (ერთი) წლის ვადით, იგივე პირობებით.

9.2. ხელშეკრულება შეიძლება შეწყდეს ვადამდე მხარეთა შეთანხმებით ნებისმიერ დროს, ხოლო დამკვეთის ინიციატივით, ცალმხრივად, თუ: 1. შემსრულებელი არ ან არაჯეროვნად ასრულებს ნაკისრ ვალდებულებას, რის თაობაზეც შემსრულებელს დარღვევის გამოსასწორებლად მიეცა დამატებითი ვადა წინამდებარე ხელშეკრულების შესაბამისად. ამასთან, დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ ან არაჯეროვნად შესრულების გამო დამკვეთს ხელშეკრულების საგნისადმი ინტერესი ეკარგება; 2. დამკვეთი აღნიშნულის თაობაზე წინასწარ 2 (ორი) კვირით ადრე წერილობით შეატყობინებს შემსრულებელს; 3. ასევე საქართველოს კანონმდებლობით გათვალისწინებულ შემთხვევებში.

10. დამატებითი პირობები

10.1. მხარეებს შეუძლიათ ხელშეკრულებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.

10.2. წინამდებარე ხელშეკრულებით გათვალისწინებული პროექტის და შესაბამისად ხარჯთაღრიცხვის ცვლილება დასტურდება შეთანხმებით, რაც მხარეთა უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.

10.3. წინამდებარე ხელშეკრულების დანართ(ებ)ი წარმოადგენს ხელშეკრულების განუყოფელ ნაწილს და მოქმედებს მასთან ერთად.

10.4. ხელშეკრულების რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად ხელშეკრულების ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა ხელშეკრულებით გათვალისწინებული მიზანი.

10.5. შემსრულებელი აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.

10.6. მხარეები ადასტურებენ, რომ ხელშეკრულების შინაარსი ზუსტად გამოხატავს მხარეთა ნებას და რომ მათ მიერ ნების გამოვლენა მოხდა ხელშეკრულების შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.

დანართი #2

10.7. შემსრულებელი წერილობით ატყობინებს დამკვეთს, წარმოშობიდან 5 (ხუთი) კალენდარული დღის ვადაში, იმ გარემოებების შესახებ, რომელთაც შეუძლიათ იქონიონ გავლენა თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუუნარობა ან გადახდისუუნარობის ალბათობა, ლიცენზიის მოქმედების ვადის ამოწურვა და სხვა. იმ შემთხვევაში, თუ შემსრულებელი არ შეატყობინებს ან არადროულად შეატყობინებს დამკვეთს წინამდებარე ხელშეკრულებით ნაკისრი ვალდებულებების შესრულების დამაბრკოლებელი გარემოებების შესახებ, ვალდებულია დამკვეთს აუნაზღაუროს ამასთან დაკავშირებით წარმოქმნილი ზარალი.

10.8. წინამდებარე ხელშეკრულების დანართები თან ერთვის ხელშეკრულებას და წარმოადგენს მის განუყოფელ ნაწილს.

10.9. ყველა ის საკითხი რომელიც არ არის რეგულირებული ამ ხელშეკრულებით, რეგულირდება საქართველოს კანონმდებლობის შესაბამისად;

10.10. ხელშეკრულება ფორმდება, ქართულ ენაზე, ორ თანაბარი იურიდიული ძალის მქონე ეგზემპლარად, თითოეული მხარისათვის გადასაცემად.

11. მხარეთა ხელმოწერები

დამკვეთი:

შ.პ.ს. „ავერსი-ფარმა“

საიდენტიფიკაციო კოდი: 211386695

მისამართი: ქ.თბილისი, დ. აღმაშენებლის

გამზირი, №148

ბანკის დასახელება: ს.ს. „თიბისი ბანკი“

ბანკის კოდი: TBCBGE22

ანგარიშის ნომერი:

გენერალური დირექტორი:

შემსრულებელი:

—

საიდენტიფიკაციო კოდი: —

მისამართი: —

ბანკის დასახელება: —

ბანკის კოდი: —

ანგარიშის ნომერი: —

დირექტორი:

_____ გიორგი მელანაშვილი

_____ —

შენიშვნა: ხელშეკრულების შესაბამისი პირობები/პუნქტები დაზუსტდება ტენდერში გამარჯვებული პრეტენდენტის სატენდერო წინადადების შესაბამისად.